



RESTORAN SONGKET

perkenal masakan melayu
di mata pelancong

Membuka perniagaan di tengah-tengah kawasan segitiga emas merupakan satu cabaran yang amat kuat lebih-lebih lagi untuk kaum bumiputera. Persaingan adalah masalah utama yang perlu dihadapi untuk sesebuah perniagaan itu beroperasi. Pelbagai faktor perlu diambil kira sebelum memulakan operasi. Antara faktor yang perlu diambil kira ialah jenis perniagaan yang mahu dijalankan. Selain perhotelan, perniagaan kedai makan seperti restoran atau café juga mendapat sambutan di kawasan yang padat dengan orang ramai.

Untuk menjalankan perniagaan kedai makan, bukanlah semudah yang disangka kerana ia hanya memerlukan perancangan yang teliti. Persaingan dalam bidang perniagaan makanan adalah lumrah dan untuk mengatasi masalah ini ialah dengan membuka restoran yang menyediakan menu yang lain dari yang lain. Atas sebab itu sebuah restoran yang bermula Restoran Songket memperkenalkan menu masakan Melayu.

Restoran yang beroperasi di No.29 Jalan Yap Kwan Seng, Kuala Lumpur ini menyediakan pelbagai masakan Melayu kerana kurang persaingan. Menurut pemilik merangkap chef di restoran ini, Chef Zamri Jemintan, idea untuk memperkenalkan konsep ini datangnya apabila melihat terlalu banyak restoran atau café yang menyediakan makanan ala barat di kawasan sekitar.

Apia yang menarik tentang restoran ini ialah matlamatnya untuk memperkenalkan masakan Melayu di mata pelancong asing kerana ramai pelanggan yang hadir terdiri daripada golongan ini. Mereka amat berminat untuk merasai bagaimana rasa masakan Melayu. Kata Chef Zamri lagi, menu yang disediakan menggunakan bahan-bahan rempah yang original bagi memelihara kualiti masakan. Selain itu, restoran ini juga menerima tempahan untuk pelbagai acara seperti parti ulang tahun, hari jadi, 'dinner party' dan 'meeting'. Sebarang tempahan atau pertanyaan boleh hubungi di talian 03-21613331.

